

UGOVOR O JAVNOJ NABAVCI

o isporuci Ugaone garniture
za potrebe škole

zaključen dana 23.08.2018. godine putem direktnog sporazuma između:

JU OSNOVNA ŠKOLA „GRBAVICA II“
Sjedište: Behdzeta Mutevelica bb, 71 000 Sarajevo
Koje zastupa: direktor Sabahudin-Dino Bakal,
Identifikacijski broj: 4200167950004,
(u daljnjem tekstu: Kupac)
i

KALEA D.O.O.
Sjedište: Bosanski put bb, 71380 Ilijaš
kojeg zastupa direktor Jasmin Kličić
Identifikacijski broj: 4200444460001
PDV broj: 200444460001
(u daljem tekstu: Prodavac)

I PREDMET UGOVORA

Član 1.

Predmet ovog ugovora je isporuka Ugaone garniture za potrebe
JU OŠ „GRBAVICA II“ Sarajevo.

II CIJENA

Član 2.

Cijena koju će Kupac isplatiti Prodavcu za opremu iz člana 1. Ugovora iznosi:

- Cijena bez PDV-a: 2.536,33 KM;
- Porez na dodanu vrijednost (PDV 17%) = 431,17 KM;
- UKUPNA VRIJEDNOST / CIJENA sa PDV-om = 2.967,50 KM
(slovima: dvijehiljadedevetstotinašezdesetsedam i 50/100 KM).

III USLOVI I NAČIN PLAĆANJA

Član 3.

Kupac će plaćanje izvršiti putem Trezora, na osnovu Predračuna dostavljenog od strane Prodavca. Plaćanje predračuna Kupac će izvršiti najkasnije do 28.08.2018. a kako bi se ispoštovao rok isporuke.

Ugovorena cijena je fiksna. Kupac se obavezuje platiti ugovorenu cijenu robe prema izdatom Predračunu.

IV OBAVEZE PRODAVCA

Član 4.

Prodavac se obavezuje da će isporuku robe izvršiti po izvršenoj uplati a sa rokom isporuke 06.09.2018.

Predračuna broj: 18-01V-000949 od 23.08.2018. godine.

Prodavac se obavezuje da će predmetna isporuka opreme biti u skladu sa važećim propisima o kvaliteti proizvoda.

Prodavac se obavezuje da će nakon isporučene robe Kupcu ispostaviti fakturu.

V OBAVEZE KUPCA

Član 5.

Kupac obavlja kvalitativni i kvantitativni prijem robe na mjestu isporuke, a kvalitet robe mora odgovarati važećim standardima i propisima na teritoriji BiH.

Sve eventualne reklamacije Kupac je obavezan dostaviti Prodavcu pisanim putem odmah, odnosno najkasnije u roku od 5 (pet) dana, od dana prijema robe.

VI ROK ISPORUKE

Član 6.

Rok isporuke ukupno ugovorene i specificirane količine opreme, kao i pripadajućih usluga iz člana 1. ovog ugovora je 06.09.2018.godine. Pod isporukom se podrazumijevaju sve potrebne radnje koje je Prodavac dužan obaviti, prema ugovoru i prirodi posla, da bi Kupac mogao primiti isporuku.

Mjesto izvršenja obaveza Prodavca je JU OŠ „GRBAVICA II“ Sarajevo.

Kupac se obavezuje isplatiti cijenu i preuzeti isporuku ugovorene opreme onako kako je predviđeno ovim ugovorom.

Oprema koja je predmet ovog ugovora i koju će Prodavac isporučiti Kupcu prema ovom Ugovoru bit će upakovana u originalnoj i neotvorenoj ambalaži od originalnog proizvođača uz označavanje pakovanja na propisan način.

VII ODGOVORNOST ZA MATERIJALNE NEDOSTATKE

Član 7.

Prodavac odgovara za materijalne nedostatke stvari koje je ona imala u času prelaza rizika na Kupca, bez obzira na to da li mu je to bilo poznato. Prodavac odgovara i za one materijalne nedostatke koji se pojave nakon prelaza rizika na Kupca ako su posljedica uzroka koji je postojao prije toga.

Nedostatak postoji ako ugovorena / isporučena stvar nema svojstva i odlike koje su izričito određene ovim ugovorom.

VIII STUPANJE UGOVORA NA SNAGU

Član 8.

Ovaj ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi s ovim ugovorom računaju se od dana stupanja ugovora na snagu, ukoliko posebnom odredbom nije ugovoren neki drugi datum kao početak toka roka.

IX PRIMJENA ZAKONA O OBLIGACIONIM ODNOSIMA

Član 9.

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog ugovora, a koji nastanu u vezi i povodom izvršenja ovog ugovora.

X RJEŠAVANJE SPOROVA

Član 10.

Sve eventualne sporove i nesporazume koji bi mogli nastati iz ovog ugovora ili povodom ovog ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana, ugovara se nadležnost Općinskog suda u Sarajevu, Bosna i Hercegovina, uz primjenu pozitivnog prava Bosne i Hercegovine.


XI OSTALE ODREDBE


Član 11.

Izmjene i dopune ovog ugovora mogu se višiti samo pismenim putem. Bit će punovažne i obavezivati će ugovorne strane samo one izmjene i dopune koje su sačinili sporazumno u pismenoj formi.

Član 12.

Ovaj Ugovor je sačinjen u 4 (četiri) istovjetna primjeraka od kojih svaka ugovorna strana zadržava po 2 (dva) primjerka.

 KALINA D.O.O.
SARAJEVO
Direktor - 9
Broj: 03-374/2018

 Kupac:
„GRBAVICA II“
SARAJEVO
Sabahudin-Dino Bakal, prof.
Broj: 01-824/18

10.08.2018. godint